

太上玄門晚堂功課經

大道洞玄虛

有念無不契

鍊質八仙真

遂成金剛體

超度三界難

地獄五苦解

悉歸太上經

靜念稽首禮

太乙救苦天尊

種種無名是苦根
苦根除盡善根存
但憑慧劍威神力
跳出輪迴五苦門

道以無心度有情
一切方便是修真
若歸聖智圓通地
便是生天得道人
一炷真香熱火焚

金童玉女悉遙聞

此香願達清華府

奏啓尋聲救苦尊

道場眾等

人各恭敬

恭對道前

課誦如法

開經玄蘊咒

寂寂至無宗

豁落洞玄支

一八大乘路

不生亦不滅

虛峙劫仞阿

誰測此幽遐

孰計年劫多

欲生因蓮花

超凌三界途

慈心解世羅

真人無上德

世世爲仙家

太上洞玄靈寶救苦拔罪妙經

爾時

救苦天尊徧滿十方界常以威神力救拔

諸眾生得離於迷途眾生不知覺如盲見
日月我本太無中拔領無邊際慶雲開生
門祥烟塞死戶初發玄元始以通祥感機
救一切罪度一切厄渺渺超仙源蕩蕩自
然清皆承大道力以伏諸魔精空中何灼

灼名曰泥丸仙紫雲覆黃老是名三寶君
還將上天炁以制九天魂救苦諸妙神善
見救苦時天上混無分天氣歸一身皆成
自然人自然有別體本在空洞中空洞跡
非跡徧體皆虛空第一委氣立第二順氣

生第三成萬法第四生光明天上三十六
地下三十六太玄無邊際妙哉大洞經皈
命

太上尊能消一切罪

東方玉寶皇上天尊

南方玄真萬福天尊

西方太妙至極天尊

北方玄上玉宸天尊

東北方度仙上聖天尊

東南方好生度命天尊

西南方太靈虛皇天尊

西北方無量太華天尊

上方玉虛明皇天尊

下方真皇洞神天尊

道言十方諸天尊其數如沙塵化形十方

界普濟度天人委氣聚功德同聲救罪魂
罪魂實可哀我今說妙經念誦無休息歸
身不暫停天堂享大福地獄無苦聲火翳
成清暑劍樹化爲鸞上登朱陵府下入開
光門超度三界難竟上

元始天於是

飛天神王

無鞅數眾瞻仰

尊顏而作頌曰

天尊說經教

接引於淨生



勤修學無爲

悟真道自成

不迷亦不荒

無我亦無名

朗誦罪福句

萬徧心垢清

爾時

飛天神王及

諸仙眾說是頌畢稽首

天尊奉辭而退

太上洞玄靈寶救苦拔罪妙經

元始天尊說生天得道真經

爾時

元始天尊在大羅天上玉京山中爲諸天
仙眾說此生天得道真經告諸仙曰吾今
爲汝畧啓身心明宣道要十方得道神仙
皆從此經修行而通微奧善男子善女人
依憑齋戒作是津梁一切有爲顯諸真路

體此法相乃可受持能屏眾緣永除染着
外相不入內相不出於正念中乃得五臟
清涼六腑調泰三百六十骨節之間有諸
滯礙十惡之業百八十煩惱之業眾苦罪
源悉皆除蕩卽引太和真氣注潤身田五

臟六腑心目內觀真氣所有清靜光明虛
白朗耀杳杳冥冥內外無事昏昏默默正
達無爲古今長存總持靜念從茲解悟道
力資扶法藥相助仍節飲食驅遣鬼尸安
寂六根靜照八識空其五蘊證妙三元得

道成真自然昇度

爾時

諸天仙眾上白

天尊曰自從無始以來至於今日未聞如
是大乘經典我等緣茲幸會廣及一切道

果圓明而說偈曰
杳杳冥冥清靜道
昏昏默默太虛空
體性湛然無所住
色心都寂一真宗

元始天尊說生天得道真經

斗姥號

志心皈命禮

西天竺國大智光中真空妙相法王師無
上玄元天母主金光燦處日月潛輝寶杵
旋時鬼神失色顯靈蹤於塵世衛聖駕於

閻浮眾生有難若稱名大士尋聲來救苦。
大悲大願大聖大慈聖德巨光天后摩利
支天大聖圓明道姥天尊。

五老號

志心皈命禮

玉光境內寶蓋會中爲始祖於諸天憫凡

夫之短景。請披靈蘊。詣金闕而咨禁戒之。
儀恭對慈顏。出玉篇而受光明之咒。御乾
坤於不約。厯劫運以無窮。符命所臨。蒸民
獲壽。大悲大願。大聖大慈。天地始祖。五老
上帝。

三茅號

志心皈命禮

天人道德。仙聖宗師。孝悌通於神明。恩澤
被於家國。隱恆山而悟道。棲句曲以昇天。
主岱宗恆霍之山。職赤城華陽之洞。劫運
陰陽而統幹。雷霆水澤以兼司。接二弟之

英姿授登真之秘訣。咸領神仙之職。共膺
玉冊之封。德溥幽冥。仁沾億類。隨機赴感。
誓願洪深。太玄妙道。冲虛聖佑。顯應真君。
地仙上真。定錄右禁。冲淨德佑。妙應真君。
地仙至真。三茅保命。冲惠仁佑。神應真君。

九天司命上卿三茅應化天尊。

天師號

志心皈命禮

本來南土上沂蜀都先獲黃帝九鼎之丹
書後事老君兩度於玉局千軸得修真之
要一時成吐納之功法錄全成受盟威品

而結璘訣正邪兩辯奪福庭治而化鹹泉。
德就大丹道齊七政大悲大願大聖大慈。
三天扶教輔玄體道大法天師雷霆都省。
太玄上相都天大法主正一冲玄神化靜。
應顯佑真君六合無窮高明大帝降魔護。

道天尊。

葛真君號

志心皈命禮

天台得道。閣皂成真。昔受東華。復傳西蜀。
詔命玉京金闕。位登太極仙班。慈憐拯拔。
於沉淪。恩念普資。於苦爽。葛天氏遺風顯。

著勾漏令丹砂具存。括蒼任遊羅浮乃止。
脩間玉笥。修理金書。大悲大願。大聖大慈。
太上玉京東吳太極左宮仙翁雷霆玄省。
天機內相玉虛紫靈普化玄靜常道冲應。
孚佑真君垂恩廣救慈悲大帝度人無量。

天尊。

許真君號

志心皈命禮

由魏迄晉。嗣休炳靈。雖因謚母之符。實應
玉皇之譜。留拔宅晝昇之地。開靖廬星佈
之天。藥壺神丹。職任天醫之上品。鐵樹寶

劍都仙總領於九州。功著斬蛟。德隆咒水。
大悲大願大聖大慈。九州都仙太史高明。
大使太乙定命注生真君。至道玄應神功。
妙濟淨明普化天尊。

薩真君號

志心皈命禮

派流西地。蹟顯龍興。施財合藥。濟羣生積。
功累行修。至道受鐵師之教旨。掌玉府之。
雷書。身披百衲。伏魔衣。手執五明降鬼扇。
代天宣化。咒棗書符。運風雷於咫尺之間。
翦妖魔於斗罡之下。道參太極位。列先天。

松筠野鶴任縱橫。遐邇孤雲常自在。方方
闡教爲萬法之宗師。處處開壇作後人之
模範。都天宗主一元無上真君。

北五祖號

志心皈命禮

大道開先。玄元闡化。教垂今古。上號東華。

接漢室之將軍。隱終南而仙契。過化每超。
於劫運。示現常在於塵寰。啓唐朝之英賢。
悟神仙之秘訣。飛劍貨藥。警化無方。金庭。
丞相之高標。寶印力辭之勇決。霞裾上陟。
南北統宗。天復挺於人豪。道徧通於四海。

發金蓮之七朶。演仙派於十方。長生理被
於古今。玄妙天垂於率土。恢弘至道。廣度
愚迷。慈悲濟苦。全真祖師。東華紫府。輔玄
立極。大道帝君。正陽開悟。傳道垂教。帝君
純陽。演正警化。孚佑帝君。海蟾明悟。弘道

純佑帝君重陽全真開化輔極帝君五祖
闡教天尊。

南五祖號

志心皈命禮

明真正道行化南天九皇降跡於天台一
脈濬通於劉祖採瓊花之仙異著悟真之

丹書道付杏林。不日還元之編集。法通鷄
足。俞琰丹髓之書成。真人挺出惠州信地。
悟超神俊。刀圭入口。神化無方。施雷雨於
掌中。甦生民於世外。德彰南海。獲瓊玉之
英標。道遍遐荒。飫法言之靈妙。龍虎羅浮。

之蹟。武夷玉隆之書。過化多方。真文備著。
爲神仙之首冠。集前代之模範。誓願洪深。
慈悲仁聖。祖師悟真。紫陽真人。杏林翠玄。
真人道光。紫賢真人。泥丸翠虛真人。瓊瑯。
紫清真人。五祖藏道天尊。

七真號

志心皈命禮

道先一氣。世顯七真。悟五行不到之言。得
九轉還丹之訣。甘泉潤物。變朽回春。金骨
仙姿。得四言而契道。衛州變化。坐十載以
成真。壁間墨蹟之非凡。雪竹月松之姿異。

三井有多生之記。一時著顯化之功。礪溪
六年。龍門七載。道功備而名聞。時主丹符
錫而掌握神仙。石上談玄。空中飛蓋。元主
屢宣而問道。甘霖尅日。以濟民旱。窮易道
之言。晚造神仙之訣。卦圖斯演。至道大成。

清靜散人探玄得道蓬萊仙路億劫獨持。
慈悲救苦全真祖師丹陽抱一無爲普化。
真君長真凝神玄靜蘊德真君長生輔化。
宗玄明德真君長春全德神化明應主敎。
真君玉陽體玄廣慈普度真君太古廣寧。

通玄妙極真君。清靜淵真玄虛順化元君。
七真演化天尊。

東嶽號

志心皈命禮

赫胥玄英之祖。金輪紹海之宗。彌仙母夢。
日光生紫府真人東華帝昔建功於長白。

始受封於義皇。初號泰華真人。漢封泰山。
元帥。唐會崇恩聖帝。皇明上號大生。位鎮
坤維。功參乾造。凡居品位。悉皆蒞焉。仁以
復仁。回陽春於掌上。聖以益聖。麗日月於
天中。五嶽稱讚於東方。三界獨尊於中界。

仰奉行乎天令。俯究察於陰司。掌人間善惡之權。專天下死生之柄。懲奸惡而獄分三十六主。司吉凶而案判七十二曹。行善者注生天堂。沉迷者尋聲救苦。示大慈慈尊之相。開眾生生化之門。福與天齊。功高

無量。大悲。大願。大聖。大慈。東嶽聖帝。慈光
救苦。威權自在天尊。

太乙號

志心皈命禮

青華長樂界。東極妙嚴宮。七寶芳華林。九
色蓮花座。萬真環拱內。百億瑞光中。玉清

靈寶尊應化玄元始。浩劫垂慈濟大千。甘
露門妙道真身。紫金瑞相隨機赴感誓願
無邊大聖大慈大悲大願十方化號普度
眾生億億劫中度人無量尋聲赴感太乙
救苦天尊青玄上帝。

青華長樂妙嚴宮
紫霧祥光徹太空
千朵蓮花映寶座
九頭獅子出雲中
南極丹臺開寶笈

北都玄範破羅酆
惟願天尊來救苦
眾等稽首禮慈容
愛河千尺浪
苦海萬丈深

欲免輪迴苦

大眾轉天尊

太乙救苦天尊

大慈延壽天尊

三茅應化天尊

經功浩力不思議。

回向十方諸聖眾。

願現真心求懺悔。

河沙罪障悉消除。懺悔眾等自從曩劫乃。

至今生假地水火風以成形。戀香味色聲。

而觸法。貪。嗔。痴。妬。惡。口。妄。言。殺。盜。邪。淫。恣。
情。縱。慾。逆。辱。父。母。背。負。君。師。不。敬。天。地。神。
祇。呵。風。罵。雨。不。信。罪。福。因。果。昧。理。欺。心。遂。
致。報。對。昇。沉。輪。迴。展。轉。受。諸。苦。惱。無。有。休。
期。蓋。由。一。念。之。差。障。迷。自。性。妄。認。六。塵。之。

幻沉溺愛河。今茲既獲人身。叨親正教。豈
非千生慶幸。一旦遭逢。自合省心。早求度
世。若夫似前流蕩。畢竟迷失本來。恐墮冥
途。化爲異類。是故思沉淪苦。發清靜心。皈
叩

聖真哀求懺悔。丐憐愚昧。原赦罪愆。解釋
報冤。蠲消魔障。所冀命逢昌運。名注丹臺。
際遇真師。親聞至道。精修妙行。增長善芽。
盡節玄門。凝神真境。他日運應滅度。自性
不致昏迷。竟生十善之家。能通宿命。還證

上乘之道。

臣侍

虛皇上

願

國安民豐時和歲稔

願

宗風丕闡道化興行

願願願願願

凶惡化賢邪魔皈正
兵刑罔措囹圄空閑
沉滯昇遷冤讐和釋
參玄學者悟道成真
厯劫種親均皆超度

願 願 願 願 願

歷世師友同證真常
所有眷緣增崇福慧
所傷物命早生人天
絕食葷酒不相殺害
持身端正不履邪淫

願 願 願 願 願

悉破慳貪滅除嶮峻
言無狂妄行貴真誠
弱已饒人潛忍忿怒
慈心下氣恭敬一切
接交仙友棲集清虛

願

永斷執迷咸歸正道

願

不墮邊夷不落邪見

願

智慧開明神通恢廓

塵

劫有盡我願無窮端望

聖

真曲垂濟度

報恩誥

志心皈命禮

玄元應化武曲分真垂念我等眾生有相
托生父母懷胎十月乳哺三年辛苦百千
慇懃寸念憐我父母日漸衰朽我今持念
平等悉滅嶮峻貪嗔禮帝爲師祈恩報本

願我現在父母福壽增延過去祖宗早得
超昇大聖大慈大仁大孝八十二化報恩
教主佑聖真武治世福神玉虛師相玄天
上帝金闕化身終劫濟苦天尊
一者一人有慶

二者二景齊明

三者三農樂業

四者四序和平

五者五祠鞏固

六者六合澄清

七者七星臨照

八者八節康寧

九者九泉開泰

十者十類生成

十一者諸神擁護

三者亡者超昇

一切飛禽走獸

一切螻蛄蛇虫

一切冤家債主

一切男女孤魂

四生六道

一切寒林

聞經聽法

早得超昇

青華教主太乙慈尊玉清應化顯金身大
千甘露門接引眾生永出愛河津

仰啓

龍虎玄壇將。金輪執法趙天君。三十六員。
大神王。天上五雷無量兵。驅雷掣電震乾
坤。飛符破廟斬妖精。急捉速縛邪魅滅拘
魂。附體傳事因移山拔樹動宇宙。響索提
鞭驚鬼神。捕賊除兇散獄訟。賞善罰惡解。

冤讐人有百病告卽痊。我有萬願隨心應。
八王猛將當先鋒。四方大力如雲擁。天師
有旨速遵依。排兵布陣列旌旗。聽我號令
速報應。功成果滿昇天職。弟子啓請望來
臨。大賜雷威加擁護。

神虎拘雷趙天君

此間土地

神之最靈

昇天達地

出幽入冥

爲吾傳奏

不得留停

有功之曰

名書上清



向來課誦功德上奉高真下保平安賜福
消災同賴善功證無上道一切信禮志心
稱念

太乙救苦天尊不可思議功德

太上三寶一切諸天九十九億九萬九千

十方國土歷劫度人清靜真一不二法門
大悲大願大聖大慈
先天教主元始天尊
玄中教主寶靈天尊
混元教主道德天尊

太上玄門晚堂功課經卷終

皆

同治四年歲次乙丑孟秋穀旦重刊

今將捐資芳名列左



